



Golaha Shacabka Soomaaliya
Guddiga KMG ee Diyaarinta Sharciga Doorashooyinka Qaranka

MATD 1
Ite la badiyo
25/11/19

Taariikh: 24^{ka} Nofeembar 2019

Ku: Guddoomiyaha Golaha Shacabka

Ku: Dhammaan Xubnaha Golaha Shacabka

Ujeedo: Warbixinta Guddiga ee Sharciga Doorashooyinka Qaranka ee Heer Federaal oo u gudbaya akhrinta 2aad.

M.ne Guddoomiye, Mudanayaal


Guddiga kmg ee diyaarinta Sharciga Doorashooyinka Qaranka waxaa la magacaabay 20^{kii} Luulyo 2019 si waafaqsan Qodabka 63(b) ee Dastuurka iyo Qodobka 33(5) ee Xeer-Hoosaadka Golaha Shacabka, si ay u soo diyaariyaan Sharciga Doorashooyinka Qaranka oo ay soo gudbisay Xukuumadda warqadda tixraaceeddu yahay XRW/0285/05/2019 ee 02/05/2019, Sidoo kale waxaa lagu qeexay waajibaadka shaqo ee Guddiga "Terms of Reference) warqadda tixraaceeddu yahay Ref: 67/12/01/B-10/19 kana soo baxday Xafiiska Guddoomiyaha Golaha Shacabka, ujeedkeeduna ahaa Waajibaadka Shaqo ee Guddiga kmg ah ee Diyaarinta Sharciga Doorashooyinka Qaranka. (eeg lifaaqa).

M.ne Guddoomiye, Mudanayaal

Si looga gun gaaro waajibaadka shaqo loona fuliyo waajibaadka loo igmaday guddiga waxuu sameeyay xog iyo talo uruurin balaaran, isagoo tashiyo la yeeshay qaybaha kala duwan ee bulshada iyo saamilayda siyaasadeed. waxaa ka mid ahaa shaqada guddiga in uu dhageysto dhammaan cidda ay khuseyso (stakeholders) sharciga iyo cid walba oo aan looga maarmin tayeynta Sharciga oo ay ka mid yihiin GMDQ, Wasaaradda Arrimaha Gudaha, Gobolka Banaadir, Dowlad Gobolleedyada, Ururada Bulshada Rayidka qaybaheeda kala duwan, Hay'adaha Amniga, Wakiillada xisbiyada siyaasadda, Odey-dhaqameed iyo xildhibaano qaar oo ka soojeeda Somaliland, Kutladda Haweenka Labada Aqal ee Baarlamaanka, Daladaha Waxbarashada iyo qaar ka mid Jaamacadaha Dalka, Machadka Cilmi-baarista ee Heritage, Madasha Aayo-talis, Hay'adda Max Planck, UNDP, IRI iyo Creative oo labaduba hoostaga USAID, IESG oo ka tirsan UN-ka iyo Electoral Institute for Sustainable Democracy to Africa "EISA".

M.ne Guddoomiye, Mudanayaal

Laga bilaabo markii la magacaabay guddiga, Guddigan wuxuu yeeshay 63 kulan-shaqo oo kala ah: 31 (Sodon iyo Kow) Kulan uu ku yeeshay magaalada Muqdisho; 20 (Labaatan) Kulan uu ku yeeshay Dowlad Gobolleedyadda xubnaha ka ah Dowladda Federalka iyo 12 (Laba iyo Tobban) Kulan uu ku yeeshay Dalka Djibouti.



Tell: +252 (0) 615548235

E-mail: election.committee@parliament.gov.so

website: www.parliament.gov.so

M.ne Guddoomiye, Mudanayaal

Qorsho-howleedkii Guddiga u degsanaa waxaa ku yimid dib-u-dhac aay sababeen daruufo jiray, hase ahaatee guddigu waxuu codsaday taariikhdu markay ahayd 6th Oktoober 2019, waxaana loogu kordhiyey warqadda tixraaceedu yahay Ref: 203/12/01/B-10/19 ee 13th Nofeembar 2019 (eeg lifaaqa), waqti kordhin kooban si uu usoo dhamaystiro sharciga doorashooyinka, warbixinta iyo waxii kale ee talo soo jeedin ah.

Kullamada u Kuur Gelidda ee Guddiga.

1. Guddigu waxa uu Wasaaradda Arrimaha Gudaha su'aalo ka weydiiyey kana codsaday inay faahfaahin waafi ah ka bixiyaan qodobada uu ka kooban yahay Hindise Sharciyeedka Doorashooyinka, nidaamka doorashada (model) iyo sida lagu hirgelin karo.
2. Guddiga waxa uu dhowr kulan la qaatay, wada tashi dheerna la yeeshay, su'aalo badanna weydiiyey Guddiga Madaxbanaan ee Doorashada Qaranka taas oo uu ugu kuurgalayey udiyaarsanaanta guddiga ee dhinacyada awoodda helitaanka howlwadeeno tababaran, dhaqaale, agab iyo imkaaniyaat kale ee ay ku maamuli karaan doorasho qof iyo cod ah iyo sida ay uga gudbi karaan wixii caqabada ah ee ka hor imaan kara habsami u fulidda maamulka doorashada 2020/2021. Guddigu waxa uu GMDQ wax ka weydiiyey sida u arkaan qodobada ku xusan sharcigan kana dhagaystay ra'yigooda.
3. Guddiga waxa uu Hay'addaha Cilmi baarista ee kor ku xusan ka codsaday inay baaris iyo isbarbardhig ka sameeyaan Nidaamyada Doorasho ee kala duwan ee dunida ka jira, iyo inay soo bandhigaan mid waliba wanaaggiisa iyo dhaliilahiisa si loo eego kan ugu haboon ee la jaanqaadi kara marxaladda dalkeena.
4. Guddiga waxa uu la kulmay hay'adda IESG ee kor ku xusan waxa uu wada tashi kala yeeshay Qodobada Sharcigan, ka dhagaystay waayo aragnimadooda nidaamyada doorashooyinka ee dalalka ay hore u caawiyeen iyo fikirkooda hannaanka ugu fudud ee doorasho qof iyo cod dalka uga hirgeli karto.
5. Guddiga waxa uu ururada bulshada rayidka u bandhigay Hindise Sharciyeedka doorashooyinka waxa uuna ka dhagaystay aaraa'dooda iyo afkaarta ay ka qabaan qodobada sharcigan.
6. Guddiga waxa uu sida si la mid ah u bandhigay hindise Sharciyeedkan Xisbiyada Siyaasdeed ee KMG ah ee ka jira dalka waxa uu wadatashi dhowr jeer ah kala yeeshay qodobada ku jira hindise sharciyeedka iyo hannaanka doorasho ee ugu habboon inuu dalka ka hirgelo.
7. Guddiga waxa uu socdaal shaqo kusoo kala bixiyey Dowlad Goboleedyada Dalka asaga oo kasoo dhagaystay mas'uuliyiinta Siyaasadeed, Ururada Bulshada iyo Odayaasha dhaqankaba ra'yiga ay ka qabaan qodobbada sharcigan, nidaamka doorasho ee ugu habboon ee ka hirgeli kara dalka. Waxaa uu sidoo kale Madaxweynayaasha, Golaha Wasiirada iyo Golahooda Baarlamanka ka dhagaystay xaaladaha amni ee deegandooda iyo sida ay suurtagal ku tahay qabashada doorasho qof iyo cod 2020/2021 iyo caqabadaha jiri kara.
8. Guddiga waxa uu si gaar ah ula kulmay Odayaasha iyo Siyaasiyiinta kasoo jeeda Gobollada Waqooyi (Somaliland) ee dalka. Waxayna isla eegeen duruufaha gaarka ah ee ay qabaan iyo habka ugu habboon ay doorasho ku geli karaan murrashaxiinta kasoo jeeda deeganadaas. Guddiga waxa uu sida kale weydiiyey fikradaha ay ka qabaan sharcigan.



Tell: +252 (0) 615548235

E-mail: election.committee@parliament.gov.so

website: www.parliament.gov.so

Natiijada Kulammada ee Guddiga

Guddigu dhagaysiga iyo wada tashiga dheer oo uu la yeeshay qaybaha kala duwan ee kor ku xusan ka dib waxaa usoo baxay qodobada hoos ku xusan:

1. In Hindise sharciyeedkan loo baahanyahay in lagu sameeyo wax ka beddel lagu waafajinayo Dastuurka KMG ee JFS, Sharciga Axaabta, Sharciga lagu dhisay GMDQ iyo Shuruucda kale ee dalka.
2. In qodobbada ka mid sharcigan ee iska hor imaanayaan loo baahan yahay in la is waafajiyo.
3. Waxa ay dhamaan dhinacyada kala duwana ee aan la kullannay walwal ka muujiyeen nidaamka doorasho ee ku dhisan ergooyinka ee lagu soo galay doorashooyinkii 2016 ayagoo ku sababeenaya amni darrada jirta inay tiro kooban ahaayeen ayna horseedi karaan musuqmaasuq.
4. Waxa ay dhinacyada kala duwan intooda badan walaac ka muujiyeen gaar ahaan qaybaha kala duwan ee dowlad goboleedyada in hannaanka doorashada nidaamka matelaadda isu dheelitiran ee liiska xiran (proportional representation closed list) uusan ahayn mid ku haboon marxaladda dalka marayo uusanna ka hirgeli karin Dalka. Waxa ay si gaar ah farta ugu fiqeen in hanaankan dhalin karo lumitaanka miisaanka awood qaybsiga ee horay ummadda Soomaaliyeed ugu heshiisay, waxay kaloo ay farta ku fiqeen iney adag tahay qabsoomidda doorasho qof-iyo-cod ah xilligan.
5. Dhammaan Dowlad Gobolleedyada iyo saamileyda kale ee siyaasadeed waxay si wadajir ah u sheegeen in doorashada ku dhacdo waqtigii loogu talagalay.
6. Dhinacyada aan la kulannay waxay aad u adkeeyeen in waqtiga la joogo marna laga guuri karin hannaanka awood qeybsiga ee horey loogu heshiiyey ee 4.5, tilaabo kasta oo hannaankaas wax u dhimeysa ay keeni karto qalalaaso siyaasadeed iyo amni darro.
7. Dhinacyada aan la kulannay dhammaantood waxay isla tilmaameen in doorashada qof iyo cod aysan hirgelin karin, marka la eego waqtiga haray oo kooban iyo ayadoo aan weli la diyaarin qodobadan hoos ku xusan:
 - a. Dhameystirka dib-u-eegista Dastuurka kmg;
 - b. Midnimadda dhammaan dalka oo idil;
 - c. Diyaarinta Sharciga Jinsiyadaha;
 - d. Muwaadiniinta Soomaaliyeed tirakoob rasmi ah loo sameeyo; iyo
 - e. Sugidda xuduudaha degmooyinka iyo gobollada dalka.

Nidaamka (Modelka) Doorashada

Hindise sharciyeedka waxaa gundhig u ah oo uu ku dhisan yahay saddex mabda' oo kala ah; (a) in doorashadu ka dhacdo meelkasta oo dalka ah isaga oo dalku yahay hal deegaan doorasho (Single national Constituency), (b) In la ilaaliyo dheelitiranka saami qaybsiga kuraasta beelaha. (c) In doorashada lagu saleeyo nidaamka mataaldda nisbada liiska xiran (Proportional Representation, PR - Closed list) oo la dooranayo Xisbiga oo keliya, xisbiguna yahay midka go'aaminayo liistada murashaxiinta xisbiga iyo siday ku soo baxayaan.

Sida muuqata modelka nisbada isudheelitirka liistada xiran (PR-Closed List) suuragal kama dhigayo in la helo dheellitiranka saami qaybsiga mataaladda kuraasta beelaha dhexdooda oo lagama maarmaan u ah nidaamka heshiiska bulsho ee soomaaliyeed iyo mataaladda loo simanyahay. Sidaa darteed saddexdan mabda' isla jaan qaadi karayaan.

Tell: +252 (0) 615548235

E-mail: election.committee@parliament.gov.so

website: www.parliament.gov.so

Diidmada Nidaamka Liistada Xiran

Dhammaan qaybihii bulshada ee kala duwanaa ee guddigu tala ka soo ururiyey sida; Axaabta, ururrada Bulshada, Dowlad Goboleedyada iyo indheergaradka Soomaaliyeed waxay si isku mid ah u diideen iyagoo walaac weyn ka muujiyey in nidaamkan mataaladda nishada liiska xiran yahay, wax ku cusub oo aan si sahlan loo fahmi karayn, caddaalad sugi karin, islamrkaana xaqiijinaynin nidaamka awood qaybsiga ee bulshada Soomaaliyeed. Waxyaabaha kale ee lagu sababeeyey inuusan ku habbooneyn xaaladda dalkeenna, waxaa lagu sababeeyey; inuu nidaamkani daciifinayo isla xisaabtanka iyo xiriirka mataaladda xildhibaanaka ee deegaankiisa, dhiirigelinayo xisbiyada ama ururrada xag-jirka ah, abuurayo khalkhal dheelitirka mataaladda deegaamada iyo awood qaybsiga qaybaha bulshada. Wuxuu abuurii karaa deganaansho la'aan siyaasadeed iyo in la waayo xukuumad majority ku leh Baarlamaanka.


Xulashada Nidaamka Aqlabiyada

1. Guddigu markuu garwaaqsadey iney doorasho caddaalad ah oo daahfuran inay dalka ka dhacdo ay lagama maarmaan tahay.
2. Guddigu markii uu dhegeystey kana baarandegay isbarbardhigga nidaamyada doorasho ee ay soo jeediyeen hay'adaha cilmi baadhistu.
3. Guddigu markii uu su'aalo u jeediyey wasaaradda ay khuseyso ee ku saabsan modelkan doorasho iyo dhaliilaha ka soo bixi karo iyo habka uu ula jaan qaadi karo marxaladda dalka, wada tashi dheerna ka sameeyeen arrinkaa.
4. Guddigu markii uu dhegeystay walwalka xoogga leh ee ay ka muujiyeen intabadan dhinacyadii uu la kulmay Guddigu hannaanka mataaladda isu dheelitiran ee liistada ku salaysan, si gaar ah markey farta ugu fiiqeen dhibaataada uu u keeni karo hannaanka isu dheelitirka saamiqaybsiga siyaasadeed.

Guddigu wuxuu si wada jir ah isugu raacay in nidaamka (modelka) doorashooyinka ee dalka ku habboon yahay. Nidaamka Aqlabiyadda ah (Majoritarian System) kuna salaysan in kursi kastaba gaarkiis loo doorto (Single Member popularity "SMP") ama habka loo yaqaan horreeyaa guuleysta (First Past The Post "FPTP") oo lagu kala baxo codka haldheeriga ah ee tartanka kursi deegaanka.

Astaamaha Nidaamka Aqlabiyadda

Nidaamkan Aqlabiyadda hal kii kursi ah (Single-Member Popularity – SMP). Marka loo eego nidaamyada kale waa midka ugu sahlan wuxuuna leeyahay astamahan hoos ku xusan; Halkii kursiba gaarkiis ayaa loogu tartamayaa, Sida magaciisa ka muuqata FPTP. codeynta koowaad ayaana lagu kala baxayaa, Murashixii u codbadan ayaa kursiga ku guuleysanaya. Codbixiyuhu hal murashax ayuu ka dooranayaa liistada Murashaxiinta ee kursiga. In la xaqiijiyo dheellitiranka saamiqaybsiga. mataaladda Bulshada ee golyaasha Baarlamaanka; In ay dhacdo doorasho ku salaysan xisbiyo. In dadwaynaha deegaanka degan ay u siman yihiin u codeynta murashaxiinta. In codbixiyayaasha wax dooranayaa ka iman karaan deegaanka goobta doorashada ee heer gobol ama dawlad goboleed ah.



Tell: +252 (0) 615548235

E-mail: election.committee@parliament.gov.so

website: www.parliament.gov.so

Faa'idooyinka Nidaamka Aqlabiyadda

Habkani wuxuu si xoogleh u abuurayaa mataalaadda deegaanka ee ka dhaxaysa xildhibaanaka iyo bulshada deegaanka. Waa nidaam muujinaya lahaanshaha kursiga iyo mataalaadda codbixiyaha isla markaana xoojinayaa la xisaabtanka xildhibaanaka.

Waa nidaam aad u sahlan oo si fudud loo fahmi karo. Waa nidaam toos ah degdeg ah oo natijadiisu aysan muran lahayn. Codbixiyaha wuxuu si cad u kala xulanayaa marashaxiinta. Maadaama kursigu deegaamaysanayahy xisbigu wuxuu ku qasban yahay inuu tix geliyo rabitaanka bulshada deegaanka kursiga iska leh. Wuxuu yareynayaa ururada xag-jirka. Wuxuu fursad siinayaa codbixiyayaasha inay kala xushaan murrashaxiinta u dhashey deegaanka oo ay yaqaannaan. Wuxuu dhiirrigelinayaa in la helo xukuumad aqlabiyad ku leh Baarlamaanka. Murashax kastaa wuxuu kusoo baxayaa ama ku hadhayaa codka uu gaar ahaan u helay xisbina ma awooddo inuu codka maamulo ama cid kale uu siiyo.

Maadaama doorashadu tahay mid deegaamaysan oo toos ah waxay keenaysaa in dadka muuqda ee dadku rabaan la doorto iyagoonan xisbiga taageero ka helin. Waxaa loo tartamayaa hab xisbi iyadoo kursi kastaba gaarkiis loo dooranayo taasina ay horseedeyso in la ilaalinayo dheellitiranka metelaadda bulshada iyo shacabka dalka oo dhan, waxaa soo baxaya gole baarlamaan oo oo tartan ku yimid. Habkani waxuu meesha ka saarayaa cilladaha nidaamka nisbada ah ee liistada xiran.

Dib-u-eegista iyo wax-ka-beddelka Hindise Sharciyeedka.

Guddiga wuxuu si wadajir ah ugu dadaalay in Hindise Sharciyeedka dib-u-habeyn ku sameeyo kadibna ku soo celiyo wixii nuxur ahaan, qaanuun ahaan iyo mab'da ahaan ee la hareer maray, kadibna uu soo saaro sharci qeybaha kala duwan ee ummadda Soomaaliyeed iyo saarnileyda siyaasadda meel kasta oo ay joogaan ku qancaan, bacdamaa uu Dastuurku Qodobka 22 (2) uu qeexayo in muwaadinku leeyahay xaq dastuuri, sidaas awgeed waa inuu jiro Sharci saameeya nidaamka iyo axkaamta doorashada iyo wixii la xiriira.

Hindise Sharciyeedka Doorashooyinka Qaranka oo ka koobnaa Todaba (7) Cutub iyo Kow iyo Lixdan (61) Qodob, Guddigu markuu dulmar ku sameeyey Hindise Sharciyeedkaasi waxaa u soo ifbaxay iney jiraan qodobbo qaar u baahan in la waafajiyo Dastuurka iyo shuruucda kale ee dalka, isla markaana la saxo qodobbada iska soo horjeeda ee isla sharcigan. Hindise Sharciyeedka Doorashooyinka Qaranka ee Heer Federaal uu guddiga ka soo shaqeyey waxaa lagu soo aruuriyey Konton (50) Qodob.

Haddaba Guddiga, isagoo raadraacaya awaamiirta ku xusan Qodobka 47aad ee Dastuurka iyo qodobbada 84 (3), 85 iyo 86 ee Xeer Hoosaadka Golaha Shacabka, wuxuu si dhab ah u falanqeyey diiraddana u saaray qodobbada ugu muhiimsan ee la xiriira Hindise Sharciyeedka kuwaas oo kala ah:

1. Qodobbada qaar in la waafajiyo Dastuurka, Sharciga lagu dhisay GMDQ iyo Sharciga Xisbiyada Siyaasadeed;
2. Qodobbo qaar oo ay tahay in GMDQ ay ku soo saaraan Xeer Nidaamiyeyaal;
3. Qodobbo muhiim ah oo u baahan in sharciga lagu soo kordhiyo; iyo
4. Qodobbo qaar oo ku xusan Dastuurka iyo Sharciga GMDQ in laga tirtiro.

Tell: +252 (0) 615548235

E-mail: election.committee@parliament.gov.so

website: www.parliament.gov.so

FG. Dhammaan qodobbada qaabka loo tiray, qaabka wax-ka-beddel loogu sameeyey, qaabka wax loogu soo kordhiyey, guddigu wuxuu ku muujinay shaxda halkan ku lifaaqan kana kooban saddex khaanadood (1) khaanad ah Hindisaha ay soo gudbisay Xukuumadda, (2) khaanad ah warbixinta akhrinta 2aad ee Guddiga; iyo (3) khaanad ah faallo.


M.ne Guddoomiye, bacdamaa Guddiga daraasad dheer ka sameeyey Hindise Sharciyeedka, dhan walbana ka eegay mabaadi'diisa, nuxurka iyo aasaaskiisa wuxuu garwaaqsaday in Hindise Sharciyeedka la soo waafajiyey Dastuurka, iyo shuruucda kale ee dalka u yaala una baahan in Golaha Shacabka waajibaadkiisa ka guto, maadaama xilligan dadka iyo dalkuba u baahan yihiin sharciga hagaya Doorashada.

Sidaa darteed, M.ne Guddoomiye wuxuu Guddiga si sharaf iyo qaddarin leh kaaga codsanayaa in Hindise Sharciyeedkan aad ku darto ajendaha ugu soo horeeya si loo mariyo akhrinta 2aad.

Mahadsanid.

Xil. Cabdullahi Abuukar Xaaji
Guddoomiyaha Guddiga kmg
Sharciga Doorashooyinka Qaranka





GOLAHA SHACABKA BAARLAMAANKA FEDERAALKA SOOMAALIYA
GUDDIGA KMG AH EE DIYAARINTA SHARCIGA DOORASHOYINKA QARANKA

Saxiixa xubnaha diyaariyey Warbixinta Hindise Sharciyeedka Doorashooyinka
Qaranka u gudbaya Akhrinta 2aad ee Golaha Shacabka

Taariikh: 19 / 11 / 2019

#	Magac	Saxiix
1.	Xil. Cabdullahi Abuukar Xaaji	
2.	Xil. Maxamed Cumar Ceymoy	
3.	Xil. Axmed Xaaji Maxamed Cabdi Taaw	
4.	Xil. Aamina Maxamed Cabdi	
5.	Xil. Cabdicasiis Maxamed Maxamuud "Qambi"	
6.	Xil. Cabdifitaax Qaasim Maxamuud	
7.	Xil. Cabdiqaadir Aaden Nuur "CC"	
8.	Xil. Cabdirisaaq Cumar Maxamed	
9.	Xil. Cabdiwahaab Ugaas Xuseen Ugaas Khaliif	
10.	Xil. Dr. Cilmi Maxamuud Nuur	
11.	Xil. Iiman Cabdullahi Cali	
12.	Xil. Khaalid Macow Cabduqaadir	
13.	Xil. Mustafa Sheekh Cali Dhuxulow	
14.	Xil. Sahra Cabduqaadir Cabdiraxmaan	
15.	Xil. Shariif Sheekhuna Maye	

Tell: +252 (0) 615548235

E-mail: election.committee@parliament.gov.so

website: www.parliament.gov.so

Jamhuuriyadda Federaalka Soomaaliya
Golaha Shacabka
Xafiiska Guddoomiyaha



الجمهورية الفيدرالية الصومالية
مجلس الشعب
مكتب الرئيس

Somali Federal Republic
The House of the People
Office of the Speaker

الرقم: 203/12/01/B-10/19

التاريخ: Mogadishu Nov 13, 2019

Ku: Guddiga KMG ee Diyaarinta Sharciga Doorashooyinka Qaranka
L/H Golaha Shacabka

Og: Xildhibaanadda Golaha Shacabka
L/H Golaha Shacabka

Og: Xoghayaha Guud ee Golaha Shacabka
L/H Golaha Shacabka

Og: Guddoonka Golaha Shacabka
L/H Golaha Shacabka

Ujeedo:- Muddo u Kordhin Guddiga KMG ee Sharciga Doorashooyinka

Mudane Xildhibaan,

Markaan Arkay: Warqadda sumadeedu ahayd 367/12/01/B-10/19 kuna taariikhaysnayd 28 July 2019 ee ku sahabsanayd Waajibaadka Shaqo ee GKM ee Sharciga Doorashooyinka Qaranka; qodobka 1aad ee khuseeya Muddada shaqo ee loo goondeeyey u diyaarinta Sharciga Akhrinta 2aad oo ahayd ugu badnaan 60 Maalmood.

Markaan Tixgaliyey: Duruufaha Guddigu la kulmay ooy ka mid ahayd Mawsimkii Xajka iyo Ciidula Adha.


Markaan Garawsaday: Wakhtiga dheer ee aan lagu talagalin ay qaadatay latashiyadii Dawlad Goboleedyadda Dalka

Tell: +252 6 1 2224442 / +252-615577472

E-mail. speaker@parliament.gov.so munursal44@hotmail.com

Waxaan Go'aamiyey in muddad Shaqo ee GKMG ee Sharciga Doorashooyinka la gaarsiiyo, iyadoon waxba loo dhimeyn TOR Guddiga, ilaa 17 Dec 2019.

Wada Shaqayn Wacan


M. ne Maxamed Mursal Sheikh Cabdiraxmaan
Guddoomiyaha Golaha Shacabka BIF



Tell: +252 6 1 2224442 / +252-615577472
E-mail: speaker@parliament.gov.so mmursal44@hotmail.com



Somali Federal Republic
The House of the People
Office of the Speaker

Ref: 367/12/01/B-10/19 الرقم:

Mogadishu July 28, 2019: التاريخ


Ku: Guddiga Ku-Meelgaarka ah ee Diyaarinta Sharciga
Doorashooyinka Qaranka
L/H Golaha Shacabka

UJEEDO: WAAJIBAADKA SHAQO EE GUDDIGA KU-MEELGAARKA
AH EE DIYAARINTA SHARCIGA DOORASHOYINKA QARANKA .

- 1) Muddada shaqo ee u diyaarinta Sharciga Akhrinta 2aad aad ku soo dhamaystirtaan ugu badnaan 45 ilaa 60 Maalmood laga bilaabo taariikhda qoraalkan ;
- 2) In aad ku dul shaqeysaan Sharciga Doorashooyinka Xukuumaddu u soo gudbisey Golaha Shacabka -BFS, iyadoo aad tixgelinaysaan baahida loo qabo in wadanka doorasho ay ka dhacdo 2020/2021 isla markaana ilaalinaysaan Dastuurka ku-Meelgaarka ah ee Qaranka iyo Sharuucda kale ee Dalka;
- 3) In aad sameysaan la tashi balaaran, oo aad la tashanaysaan cid walba ee sharciga tayeeyntiisa looga maarmin sida Guddiga Madaxbanaan ee Doorashooyinka Qaranka, Maamul Goboleedyada Dalka, Hay'adaha Amniga Qaranka, Xisbiyada Siyaasadda, iyo Bulshada Rayidka;
- 4) Guddiga isaga ayaa u madaxbanaan in ay sameystaan Guddi Hoosaadyo iyo Qorshahooda shaqo;

Wada Shaqayn-Wacan

M.ne Maxamed Mursal Shekh Cabdiraxmaan
Guddoomiyaha Golaha Shacabka B/F





Lr. GSH /177 /07/19

التاريخ 20 July 2019 Mogadishu,

**BAARLAMAANKA FEDERAALKA SOOMAALIYA
GOLAHA SHACABKA
XAFIISKA GUDDOOMIYAHA**

**UJEEDDO: MAGACAABID GUDDIGA KU- MEELGAARKA AH EE
DIYAARINTA SHARCIGA DOORASHOYINKA QARANKA**

Guddoomiyaha Golaha Shacabka Soomaaliya

Markuu Arkay: Muhiimadda iyo Saamaynta uu leeyahay Sharciga Doorashooyinku Qaranka;

Markuu Arkay: Howlaha baaxadda leh ee loo baahnayahay in la qabto si loo hubiyo in Sharciga Doorashooyinku noqdo mid Qaybaha kala Duwan ee Bulshadda Soomaaliyeed raali ku tahay;

Markuu Xeerayey: Qodobka 47aad ee Dastuurka Ku-Meelgaarka ah oo faraya Golaha Shacabka in uu Diyaariyo Sharciga Doorashooyinka Qaranka;


Markuu Garowsaday: Baahida loo qabo Magacaabidda Guddi Gaar ah oo ka soo shaqeya diyaarinta Sharciga Doorashooyinka Qaranka;

Si Waafaqsan Qodobka 33/5 ee Xeer Hoosaadka Golaha, Waxaan Magacaabay Xubnaha Hoos ku Qoran in ay noqdaan Guddigan Ku-Meel Gaarka ah ee Diyaarinaya Sharciga Doorashooyinka Qaranka:

1. Xil Sharif Sheekhuna Maye
2. Xil. Khalid Macow Cabdiqadir
3. Xil. Cabdiwahab Ugaas Xussein Ugaas Khalif
4. Xil. Amina Cabdi Maxamed
5. Xil. Cabdullahi Abuukar Xaaji
6. Xil. Cabdirasaq Cumar Maxamed

7. Xil. Axmed Xaji Maxamed Abdi Taaw
8. Xil. Cabdiasis Maxamed Maxamuud (Qarabe)
9. Xil. Dr. Cilmi Maxamuud Nuur
10. Xil. Cabdifatax Qaasim Maxamuud
11. Xil. Cabdiqadir Maxamed Nuur (CC)
12. Xil. Xil. Iman Cabdullahi Cali
13. Xil. Sahra Cabdiqadir Cabdiraxman
14. Xil. Maxamed Cumar Caymoy
15. Xil. Mustafa Sheikh Cali Dhuxulow

Xoghayaha Guud ee Golaha Shacabka waxaa la farayaa in wixii tashiilaad ah ay Guddigu u baahdaan aad uu fududeysid.


M. ne Maxamed Mursal Sh. Cabdiraxmaan
Guddoomiyaha Golaha Shacabka Soomaaliya

